



Республикалық жастар газеті

Ақмешіт

6+

...Мен жастарға сенемін!

Мағжан

ЖАСТАРЫ

Газет 2013 жылдың қыркүйек айынан бастап шығады



№14 (551)
4 сәуір,
2024 жыл

● 1 сәуір – Күлкі күні

СЫР САТИРАСЫНЫҢ САЛМАҒЫ ҚАНДАЙ?

Сатираның сайыпқыраны атану – екінші біріне бұйыра бермейтін бақ. Себебі бұл жанр – ой-шұқыры көп, қалтарыс-бүкпесі мол, тіпті дау-дамайлы дүние. Қиын болған соң да, Сыр елі түгілі Қазақстандағы сатириктер саны саусақпен санарлық. Тиіп-қашып күлді-көмеш шатпақ жазып жүргендердің бәрі бірдей сатирикке есептелмейді, санға кіргенімен сапада жоқ. Ал Сыр сатирасының сардары Асқар Тоқмағамбетовтен соң күлкі керуеніне тоқшылық сыйлаған кім бар? Осы сауалға жауап іздеп көрдік.



Алдар көсе
Сурет ашық деректерден алынды

Ойлы оқырман мен көрерменнің бүгінгі сатира әлемінен Қалтайдың қағытпа қалжыңын, Уайдиннің уытты тілін, Оспанханның осып түсер сарказмын, Шонаның шақпа әзілін іздеп жүргені жасырын емес. Қазіргі сатира қоғам өмірінің ділгір мәселесін, адам табиғаты мен мінез-құлқының ұнғыл-шұңғылын, көз шала бермейтін қия беткейін ашып, аршып, көрсетіп беруге қауқарлы ма? Сатираның бет-бейнесі, бағыт-бағдары қаншалықты өзгерді? Бұл сауалдарға сатира саласында сөзіңіз салмағы бар мамандар үн қатты.

3

Туған топыраққа табаным тигенде ЖЕР БЕТІНЕ ШЫҚҚАНДАЙ СЕЗІНДІМ

Хал Мохаммад Исмайл – қазақ баласы. Елге елпендеп келген ұлдың аңғал көңілін, ақ пейілін байқадық. Қос мемлекетте қатар өмір сүрсе де ұлттық болмыс оң бойында, сөйлеген сөзінде сайрап тұр. Әсіресе қазақ тілін ұмытпағаны қуантты.

– «Білім ниemen құлық қазғандай» дейміз. Қазақстанға келіп оқуға шешімді қалай қабылдадыңыз? Қандай да бір кедергі кездесті ме? Қызықты естелікпен де бөліссеніз...

– Негізі Сауд Арабиясында туып-өстім. Қазіргі таңда отбасым Түркияда тұрады.

Тарихи Отанымға оралып, білім алу мен үшін үлкен арман болды. Мектеп қабырғасында жүргенде-ақ осы арманым алға жетеледі. Қазақстанға келуім үшін айтарлықтай кедергі болған жоқ.

3-бетте

Киноның сәтті шығуына әсер ететін фактор –

СЦЕНАРИЙ МЕН СЮЖЕТ

Жамал Жақсытай – кинопродюсер әрі сценарист. Ал журналистік қабілеті салмақты сөз сөйлеп, тартымды туынды түсіруге сеп. Жанкешті жұмыс істейтін маманның әр телехикаясы көп көңілінен шығып, оң бағасын алуда.



– «Пьеса – құндақтаулы сәби. Оның қандай азамат болып өсіп шығары режиссерге байланысты» дейді А.Сүлейменов. Расымен, кім де болсын шығармасын баласындай көреді. Ал сценарист ретінде не айтар едіңіз? Жазылған сценарийге жан бітіретін кім немесе не нәрсе?

– Жазылған сценарийге жан бітіретін – режиссер. Көп жағдайда кино саласында режиссер мен сценаристі бірге белгілеп, қос маман байланыста болады. Бірақ қанша жерден режиссер мықты түсіргенімен, сценарий мардымсыз әрі осал болса кино сәтті шықпайды. Альфред Хичкоктың «Ұлы фильм жасау үшін үш нәрсе керек: сценарий, сценарий және тағы да сценарий» деген сөзі бар. Демек киноның сәтті шығуына әсер ететін негізгі фактор – сценарий мен сюжет. Өнімнің 80% жақсы шығуына сценарий маңызды. Ал қалған 20%-ы режиссер, актер, костюмер, оператор және шығармашылық командаға байланысты.

8-бетте

БІЛЕКТЕГІ КҮШІМЕН ЖҮРЕКТЕГІ НАМЫСЫ ҰШТАСҚАН

7



ЖАННА ІЗТІЛЕУОВА: «ҮШТІЛДІ ПСИХОЛОГИЯЛЫҚ-ПЕДАГОГИКАЛЫҚ ТЕРМИНДЕР ЖИНАҒЫН АЛҒАШҚЫ БОЛЫП ЖАСАДЫМ»

Гуманитарлық саланың дамуы – басты назарда. «500 ғалым» жобасы аясында Ұлыбританияда тағылымдамадан өткен жас ғалым, Қорқыт ата атындағы Қызылорда университетінің оқытушысы, гуманитарлық ғылымдар магистрі Жанна Ізтілеуова шетел тәжірибесін зерттеп, оқу процесіне жаңа әдіс-тәсілдерді енгізуде.

– «500 ғалым» жобасы аясындағы тәжірибе алмасу қандай нәтиже әкелді? Қай тақырыпта зерттеу жүргіздіңіз?

– Ұлыбританияның Уорик университетінде 3 айлық тағылымдамадан өту барысында ғылыми бағытта зерттеумен айналысып қана қоймай, академиялық білім беру процесіндегі ерекшеліктерімен таныстым. Бұл

сапар ғылыми және академиялық бағытта тәжірибе жинақтауға мүмкіндік берді.

Жоғары оқу орнында ағылшын тілін оқыту, білім алушыларға шетел тілін EMI, STEM және CLIL әдістері бойынша үйрету технологиясын игердік.

5-бетте

ЕКІ ҚОЛҒА ТАБЫЛМАҒАН БІР КҮРЕК

Қызылорда облысында өткен жылы 16,5 мыңды құраған жұмыссыз санатындағы адамдардың саны биыл 24 мыңнан асты. Ал республика бойынша жұмыссыздық деңгейі 4,8 пайызды құраса, жастардың үлесі 3,5 пайызға жеткен. NEET жастарының көбеюіне не себеп? Мемлекеттік бағдарламалардың әлсіздігі ме, әлде жастар секторының салғырттығынан ба?

– Жастарға жан-жақты қолдау көрсету – мемлекетіміздің басты міндетінің бірі. Еңбекпен қамтитын түрлі шаралар арқылы келесі жылы 100 мың жасқа жұмыс беруіміз керек. Бұл шаралар қоғамның барынша үйлесімді әрі әділетті болуына ықпал етеді, – деген еді Мемлекет басшысы Қасым-Жомарт Тоқаев халыққа Жолдауында.

Осыған орай, «Қазақстан Республикасының еңбек нарығын дамытудың 2024-2029 жылдарға арналған тұжырымдамасы» шеңберінде облыс көлемінде 15305 адамды жұмыспен қамту жоспарлануда.

Осы жылдың I тоқсанында Мансап орталықтары филиалдарына 28597 адам жұмыспен қамту мәселелері бойынша хабарласқан. Оның ішінде 35 жасқа дейінгі жастар саны 10852 адамды құрайды. «Еңбек нарығы» автоматтандырылған ақпараттық жүйелеріне жұмыс іздеуші ретінде 27990 адам тіркелсе, оның 33,9 пайызы жастар.

2-бетте



